

SCRIPTA

Numéro Scripta : 3799

Auteur(s) : Rouen (chapitre cathédral)

Bénéficiaire(s) : Philippe III le Hardi, France (roi)

Genre d'acte : lettre

Authenticité : non suspect

Datation : 1276, 11 janvier

Action juridique : autre

Langue du texte : latin

Analyse

Le doyen et le chapitre de Rouen rapportent à Philippe [III], roi de France, qu'ils ont élu Guillaume de Saane comme successeur d'Eudes, feu archevêque de Rouen.

Tableau de la tradition

Éditions principales

- a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 861, p. 202-203.

Texte établi d'après a

Excellentissimo domino suo Philippo, Dei gratia, Francorum regi illustri, decanus et capitulum Rothomagense, salutem in eo qui dat salutem regibus, cum omni reverencia et honore. Sublimitati vestre presentibus litteris intimamus, quod, cum ecclesia nostra Rothomagensis esset, per obitum bone memorie O. quondam Rothomagensis archiepiscopi, pastoris solatio destituta, nos, prout moris est, convenientes in unum ad tractandum de futuri substitutione pastoris, virum venerabilem et discretum magistrum Guillelmum de Saana, nostre ecclesie thesaurarium, elegimus concorditer in pastorem verum, procuratoribus nostris summo pontifici electionem presentantibus, et eodem electo ad summi pontificis propter hoc presenciam accedente, tandem dictus electus jus, quod ex ipsa electione eadem competit, sponte ac libere in suis manibus resignavit. Nolens igitur summus pontifex, quod ecclesia nostra ex vacatione diutina dispendium aliquod pateretur, nobis ipsam electionem remisit. Nos igitur cupientes nostre Rothomagensi ecclesie, ut nobis incombit, de pastore celeriter providere, ad vos dirigimus viros venerabiles et discretos magistrum Reginaldum cantorem ecclesie nostre, et magistrum Robertum Malet, concanonicum nostrum, latores presencium, quos ad petendum vobis, nomine nostro, eligendi licentiam procuratores constituimus, humiliter celsitudinem (sic) regie supplicantes, quatinus eligendi licentiam nobis liberaliter concedatis. Valeat et vigeat vestra regia magnitudo per tempora longiora. Datum die sabbati post Epiphaniam Domini, anno Domini M^o CC^o LXXmo. quinto.